

富平縣志

一
函
十
冊
函

富平縣志稿卷三

戶口

周禮九職任萬民並及男女生數鳥獸穀種皆有征是以
後世官書專紀財賦若元康戶口簿記元和會計錄諸書
類也我

聖祖仁皇帝特頒 誥旨滋生人丁永不加賦
世宗憲皇帝 詔丁隨地徵

高宗純皇帝乃并停編審民尤稱便誠古今未有之殊典而天
下戶口繁盛亦於斯時稱最卽富平一邑計之男女丁口
已逾二十餘萬

聖德汪洋九州曾被孳息孕育又豈獨富邑哉

物產

洪範八政首先食貨職方氏辨九州山澤之利則財賦物產著錄之祖也往者郡縣有土俗物產諸書卽班氏志食貨之遺意也近今地志家多沿其例前志所載其水土之所宜山澤之所生取之不盡用之不竭其將偕乎商山之紫芝同壽藍田之美玉共孕哉

風俗

傳曰齊其政不易其俗孝弟力田賢者之流風未泯也奢淫侈靡之風盛人心之偷又其所亟當變革者也關中數

遭寇亂復值旱暵戶口旣稀良田曠廢不得不招徠客戶
設法墾闢於是無籍轉徙之民占地納課善長者十不一
二奸謀時逞訟獄繁興第恐澆風久扇龐氣漸漓積弊相
尋所關匪細安得良有司斟酌寬猛之條力矯苟且之習
亦必使官斯土者久居其位庶可責以移風易俗尤望邑
之賢士大夫砥頑訂愚勿使蚩蚩之氓隨波而靡雖未敢
必期反本還樸而周畿敦厚之風亦可存簡久矣欲究百
姓之艱危通閭閻之利病有心爲政者其可深思焉

風土志

戶口息耗關乎國計生齒日繁斯稱祥瑞教養撫字
實非細事物產大同風俗純粹豐富華贍貧弱勞苦
立國有術載志風土

戶口

孫志洪武閒戶五千一百三十口六萬五千二百三十五至
萬曆閒戶五千六百八口七萬一百八而畸零填籍者並計
之

乾隆初知縣喬履信編闔境爲九十九聯每聯選正長各一
人領之由官出示給劄奉行已久四民相安計闔境共一千

八十七堡四萬四千一百三十八戶丁男一十二萬七千四百二十八名婦女八萬六千三百一口迨乾隆四十三年知縣吳六鰲重修志乘編查戶口闔縣共一千一百三十八村堡四萬五千一百三十二戶丁男一十三萬六千七百六十八名婦女九萬一千二百八十八口

咸豐五年編查闔縣戶口共四萬六千五百九十七戶男丁一十二萬九千五百三十七名婦女一十二萬四千七百二十口商民七百七十九名

光緒二年查辦保甲土著並寄籍二萬八千五百四十三戶共男女大小十二萬零三百零二口商民二千三百五十四

名

光緒十二年經荒旱後僅存土著烟戶一萬八千八百四十五戶男女大小八萬九千九百六十九名商民二千一百五十五名招墾客民一千二百九十八戶男女大小五千七百九十九口統計土客男女弱小較昔短少豈僅倍蓰哉

物產

孫志載溫泉產魚長三四寸許閒亦有盈尺者殊多不美原南父老傳無縫麥今攷其地不得北山青石細潤可鐫字琢磬砌堂階人號墨玉以此取足者無虛日富平人亦日蹙頰爲其採伐重而遞運艱也石炭之產難亦如是縣東鹵灘界

蒲城境上僅居少半閒產硝鹽西灘地又減東十倍當事者
業嚴禁甚民患苦之尚書村陶器人以治生明月山白土磁
器不得則不磁蘭山以有蘭花故名今則人不識蘭花狀北
莊里有葵莧不多薛家村葫蘆長三四尺仁義坊茄重一觔
則糞多力勤非專地性然也美原之絲縷短尺者可續附廓
之韭浮澤之蒜歷晝夜味不變更則地氣鍾然今則分類書
之

金石類

原磬紫石

出紫金山

砂器

出尚書村

石窠石

一名墨玉石理細緻關陝古今

碑刻取之然匠工之艱
搬移之累利病半焉

石窠炭

出北山數縣賴之
貧民借以營生

白土

出明

泥同官磁器以此爲之
月山如銀包金又出
紅土

石灰

傍石川河出

布綿類 綿布 黃絲有間 棉花 紫花 羊毛

禽獸類 馬 騾 驢 牛 羊 猪 鹿 獐 黃鼠 兔

狐 黃鸝 雞 鵝 鴨 鳩 雀 鵲 鵲 鵲

鵲 白鷺 翠雀 水鴨 水雞 鴉 烏 鴛鴦

鱗介類 魚 鯉 鱔 鯉 鰱 鰱 田雞 螃蟹 蚌

鼈 雉魚出溫泉然 血魚出萬泉

穀類 大麥 小麥 蕎麥 無縫麥 穀 菟豆 胡豆

稻 扁豆 豇豆 菜豆 小白豆 黃豆 芝蔴 稷

黍 蠶豆

果類 石榴 林檎亦名杏 柿 梨 李 蒲萄 核桃

桃 棗 酸棗 桑椹 杜梨 木瓜

瓜菜類 西瓜 甜瓜 王瓜 菜瓜 冬瓜 南瓜 瓠

北瓜 葫蘆 白菜 豆芽 莧菜 芹菜 蘿蔔

兩組白種

芥菜 芫荽 萵苣 茼蒿 葱 韭 蒜 茄 波稜

春不老

木類 松 柏 槐 榆 椿 櫟 桑 楸 桐 梧桐

椒 楊 柳 檉華

亦名觀音柳
又名西河柳

竹 葦

花類 牡丹 芍藥 海棠 木槿 臘梅 薔薇 刺梅

菊 月季 玫瑰 石竹 萱草 玉簪 金盞 茉莉

葵 荷花

藥類 麻黃 防風 薄荷 茴香 香附 車前 知母

紫花地丁 葛根 連志 澤瀉 甘遂 地黃 甘草

黃花地丁 茅香 蒼朮 黃芩 柴胡 瓜蒌 地榆

鵝不食草 立蘼 升麻 沙蘼 槐實 枳實 楮實

天花粉 地骨皮 透骨草 黃芪 陵苓香

酒類 石凍春 梨花 秋露 蘭若 五香 陳酒 苦甜兩種

風俗

習俗移人賢者不免卽一鄉一邑必有相率而羣趨者矣頻陽地接周畿先王之遺風未墜勲業節義代不乏人民生啟龐勤學力本地土厚重迨亦山川之氣所鍾與

士習尚忠義而樂恬退躬孝友而敢樸實學者取友恥不若
己見人不善望望而去之見孫志卽宦成亦謹厚如鄉人喬居志
家勤於讀書務實行散品誼雖科第顯達循循如書生不以
富貴驕人閒亦有崖岸特峻血氣自負者然飾詐游蕩之風
百無一焉

農習地狹人衆賦厚役繁縣則膏沃鮮十畝之家鄉則蓋藏
無數鍾之粟資生之計甚艱衣不掩膝肉不知味孫志田百畝
者不多見婦子胼胝水旱少逢啼饑立見喬志終年服勤力穡
習苦安分賦性慇直乏刁狡習純樸古穆迨亦豐鎬之遺風

歟

百工習藝率多堅樸鮮淫巧惟北山產石附近居人善事雕
築凡鐫字暨花草山水人物精緻不爽毫髮往往歎爲絕技
然聞其人多目不識丁尤高自位置不肯輕售亦風氣使然
也

商惟鹽當爲大宗餘則日用雜物花布農器徧於市肆絲帛
絕少各鎮集市粟米酒脯菜炭而已資生興利竟乏長策博
蠅頭之息爲糊口計耳

士禮冠以弱歲吉不筮賓閒亦有行者婚姻重班行重本源
不逐逐巨室家徵儀上者百金止矣嫁裝倍之非厚徵而薄
嫁者然貧者不能貸財爲禮粟一石布一疋亦有迎婦者不

甚貴備近日莫雁親迎滿境中矣喪必三年始易服葬有廬墓者鄰里以葬不擇地值凡民有喪閭里匍匐預柏棺而飾松漆尤得歲制古意亦有爲親石槨者祭則祥禪一切如禮若夫專祠獨有見於信而好古者

孫志

衣冠見長者及報禮具服燕見見少者俱如常婚姻近則鄉人論徵儀矣雖貧非近百金不能娶新婦履筵頗爲陋習歷任諭誠近亦稍止矣喪禮弔生哭死祭奠準之戚友誼厚薄

有常

喬志

兵荒以後十室九空日用物力不啻倍蓰冠禮久已不行婚姻聘儀靡定貧民娶婦尤難凋敝情形實堪慨歎

光緒六年以後土曠人稀闔邑丁口約略計之三去其二當事籌畫墾闢遂仿南山諸邑招集客民開墾例於是川楚無業之氓全然而至計口授田與土民原無歧異第土人素性愚戇而詐僞者少客戶則機巧便捷逞辯好訟積習相沿頽波莫挽客土輕重之情端賴賢有司權衡其閒耳

